


ՀԱՄԱԲԱՐԵՐ

ՀԱՍԱՐԱԿԱԿԱՆ ԳՐԱԿԱՆ ԵՒ ՔԱՂԱՔԱԿԱՆ ՇԱԲԱԹԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպեկ



Լոյս է տեսնում կիրակի օրերը

10 կոպեկ

ԲԱԺԱՆՈՐԴԱԳԻՆԸ տարեկան 4 հուլիսի, կէս տարուան 3 հուլիսի.

Արտատահման՝ տարեկան 5 ռ., կէս տարուան 3 ռ.

ԽՄԲԱԳՐՈՒԹԻՒՆԸ՝ Քիֆիս, Արտատարական հրատար. № 7-
Հեռախոս № 29.

Գրատի Կապիւն. — Тифлис, „Амбасадеръ“, Tiflis, Rédaction du journal
«Hambavaber».

ՅԱՅՏԱՐԱՐՈՒԹԻՒՆՆԵՐ՝ առկին 10 կոպեկ.

Խմբագրութիւնը բաց է առաւօտեան ժամի 10—2, բացի կիրակի և տոն օրերէն
Տպագրութիւնը ուղարկուած ձեռագրերը կարող են ննթարկուել փոփոխման և
կրճատման:

Տպագրութեան համար անյարմար ճանաչուած մեծ յօդուածները պահուած են
վեց ամիս խմբագրատանը, իսկ փոքրերն անմիջապէս ոչնչացուած:

Տպագրութեան համար անյարմար թղթակցութեանց և յօդուածների առթիւ
խմբագրութիւնն պարտաւոր չի համարում գրաւոր բացատրութիւններ տալ:

ԲՈՎԱՆԴԱԿՈՒԹԻՒՆ

ԽՄԲԱԳՐՈՒԹԵԱՆ ԿՈՂՄԻՑ. — Միամտութիւն թէ պարզամտու-
թիւն, Ժ. Թորգոմեանի. — Հայկական եղեռնը, Թորգոմի. — Քիֆ-
իսի քաղաքային ընտրութիւնները, Գիւսակի. — Գրական ակ-
աբիներ, Վ. Փափազեանի. — Տրապիզոնի Հայկ. Կոմիտէի տե-
նկագիրը. — Յոյսերը Երևանի մէջ, Յ. Աղունիսի. — Գեղարուծութիւնը.

— (բանաստեղծ.), Յ. Պետրոսեանի. — ՏԱՐԵԳՐՈՒ Կ. Հ. Բ. ԸՆԿ.
— (Կ. Հ. Բ. ԸՆԿ., Կենտ. Կոմիտէ և պարենաւորման բաժան-
մունք. — ՔՐՄԼԻԿՈՆ. — ՀԱՄԱԵՆԱՐՀԱՅԻՆ ՊԱՏԵՐԱԶՄԸ. — ՅԱՅ-
ՏԱՐԱՐՈՒԹԻՒՆՆԵՐ.

ԽՄԲԱԳՐՈՒԹԵԱՆ ԿՈՂՄԻՑ

Անդրկովկասում տիրապետող սարսափելի թանգու-
թիւնը ամենամեծ չափով անդրադարձել է տպագրական
և հրատարակչական գործի վրայ:

Տպագրութեան, թղթի և գրաշարների ծախսերը այժմ
մի քանի անգամ աւելացել են: Բոլոր պարբերական հրա-
տարակութիւնները նիւթական ծանր ճգնաժամ են ապ-
րում. շատերը նոյնիսկ ենթակայ են խափանման:

Թերթերի տպագրութեան և հրատարակութեան գոր-
ծը, նախկին բաժանորդագներով այլևս անհնարին է ա-
ռաջ տանել:

Շատ թերթեր վաղուց պիտի դադարէին, եթէ չա-
ւելացնէին իրենց բաժանորդագինն և չունենային համա-
կիրների լայն աջակցութիւնը:

«Համաբաւարեն» էլ նիւթական ծանր ճգնաժամ է
ապրում: Իւրաքանչիւր համարի ծախսը այժմ բառապաղ-
կուել ու հնգապատկուել է և գնալով աւելի պիտի թան-
գանայ:

Հակառակ տիրապետող թանգութեան և տպագրա-
կան ծանր պայմաններին, խմբագրութիւնն բաժանորդա-

գիրը թողեց նոյնը, չորս ուլլիի Միայն տպարան և գրա-
շար հարկաւոր չափով չը գտնելու համար, ստիպուած ե-
ղանք ամառուայ ամիսներին թերթը հրատարակել ութը
երեսից բաղկացած: Առաջիկայ աշնան, թերթի հրատա-
րակութեան բարեյաջող գէպրում, թերթը կը դարձնենք
12 երես, ինչ որ խոստացել էինք:

Չորս ուլլիի բաժանորդագին, շատ չնչին վճար է,
եթէ համեմատենք այն իւրաքանչիւր համարի համար մեր
ծախսած գումարի հետ: Մինչև օրս խմբագրութիւնն չա-
րունակել է իր ստանձնած ծանր գործը և աշխատել է
խուսափել դիմումներից:

Բայց նկատի ունենալով թերթի տպագրութեան հա-
մար ներկայումս ստեղծուած պայմանները. նկատի ու-
նենալով նաև «Համաբաւարեն» գաւառներում և ժողովրդա-
կան լայն շրջաններում դառն համակրութիւնն ու ընդու-
նելութիւնը, ստիպուած ենք դիմել Կ. Հ. Բ. Ընկերու-
թեան ճիւղերի, բաժանորդների և համակիրների աջակ-
ցութեան և օգնութեան:

«Համաբաւարեն»-ին լինելիք օգնութեան գործը կայա-
նում է հետևեալուով.

1) Ցանկալի է, որ մեր Ընկերութեան ամեն մի ճիւղ

իրեն համար պարտք համարի ուղարկել մի որոշ գումար՝ Ընկերութեան թերթի ծախսերը ծածկելու համար:

2) Յանկալի է, որ ճիւղերի վարչութիւնները, բաժանորդները և համակիրները աշխատեն աւելի տարածել թերթը իրենց շրջանում, թէև տարածումն կատարւում է նկատելի կերպով, ինչ որ ապացուցանում է թէ մեր թերթը գնահատւում է ընթերցող հասարակութեան կողմից:

3) Խնդրում ենք, որ իւրաքանչիւր բաժանորդ իրեն համար պարտք համարի բաժանորդագինը աւելացնել 2 ռուբլով և աւելացրած գումարն ուղարկել խմբագրութեան:

Կ. Հ. Բ. Ընկերութիւնը մի հսկայ կազմակերպութիւն է կովկասահայ իրականութեան մէջ և ունի բազմաթիւ ճիւղեր և համակրողներ: Եթէ երբեք վերջիններս չանք և աշխատանք թափեն թերթի տարածման և տրպագրութեան ծախսերի հայթայթման գործում, մենք վստահ ենք, որ «Համբաւաբերի» հրատարակութիւնը պիտի ապահովուի և խմբագրութիւնն էլ իր կողմից պիտի կարողանայ նրա ծաւալն ընդարձակել և աւելի լայն տեղ տալ պաւստական կեանքի և մեր ճիւղերի գործունէութեան նկարագրութեան:

Աւելորդ ենք համարում յայտնել, որ ստացուած նուէրների, ճիւղերի և համակիրների այդ ուղղութեամբ կատարած աշխատանքների և աւելացրած բաժնեգների մասին պիտի յայտարարուի «Համբաւաբերում»:

ՄԻԱՄՏՈՒԹԻՒՆ ԹԷ ՊԱՐԶԱՄՏՈՒԹԻՒՆ

Պետական Գործակալութիւնը տեղեկութիւն է ստացել, որ Գերմանիան իր վերջին յարձակումն սկսած է Ռուսաստանի ներքին կեանքի մասին տեղեկութիւններ ստանալուց յետոյ...

Չը գիտէ մարդս զարմանայ թէ ձիծաղի ուս կառավարութեան և առհասարակ ղեկավարող շրջանների խոյս միամիտ և ուշացած յայտարարութեանը վրայ:

Որ Գերմանիային յայտնի է Ռուսաստանում տեղի ունեցող ամենափոքրիկ շարժումն անգամ, որ նա գիտէ ուս կառավարութեան, զօրքի, ժողովրդի, պարենաւորման, ներքին խռովութիւնների և ազգամիջեան թշնամութիւնների բոլոր անցուզարձերը, որ նա իր ամենավարպետ կերպով կազմակերպած լրտեսութեան միջոցով թափանցում է ամեն բոլոր և ամեն ակնթարթ Ռուսաստանի կեանքի բոլոր մանրամասնութիւններին, դա նորութիւն չէ և այդ բանը գոյութիւն ունի պատերազմի սկզբից, կամ աւելի ճիշտ՝ պատերազմից շատ ու շատ առաջ:

Յարիզմի ժամանակ ուս կառավարութեան ամենապատասխանատու պաշտօնեաներն ու ներկայացուցիչներն անգամ դարձան գերմանական ազնետներ և խայտառակեցին ամբողջ պետութիւնը, քայքայելով ու կործանելով նրան թէ թիկունքում և թէ ճակատում:

Սուխոմլինովի՝ Ռուսիոյ նախկին զինուորական մինիստրի (sic) դաւաճանութիւնը դեռ թարմ է մեր մտքերի մէջ. Գերմանիոյ լրտեսական ոյժը թափանցել էր հին կառավարութեան բիւրոկրատիայի ամենաբարձր և ամենաազդեցիկ շրջանները:

Նա մի անհրաժեշտ, բայց չլացնող հեղուկի նման թափանցում է ամենանուրբ վարագոյրներից ներս, մինչև իսկ ցարի հարեմը և սողոսկում թագուհու թունաւորուած որջի մէջ:

Այդ դեռ հին կառավարութեան օրով էր: Նոր, յեղափոխական և ազատական կառավարութիւնն էլ ունեցաւ իր դաւաճանները և դժբաղդարար աւելի փաստակար ու կատաղի:

Այնպիսի դաւաճաններ, որոնք վարագուրուած էին շրջակայից, զգալիորէն, զգալիորէն դիմակի տակ և որոնց գոյութիւնը յաւիտենական նախատինք պիտի մնայ Ռուսաստանի համար:

Մի Լենին և իւր տիւրանոչակ համարները՝ երկրում կատարեցին այնպիսի գործեր, որոնք ամենածանր կերպով անդրադարձան երկրի քայքայման վրայ և պատրաստեցին Ռուսաստանի համար մի հսկայական անդունդ, որի մէջ չընկնելու համար այժմ յուսահատական և օրհասական փորձեր է կատարում կառավարութիւնը:

Եւ զարմանալի բան: Ռուսիան ընդունակ եղաւ և՛ ծայրայեղ զաղափարական, անձնուէր, և՛ ծայրայեղ դաւաճան, հայրենադաւ ղեկավարներ արտագրել: Եւ ծայրայեղ ցարական կառավարութիւն և՛ ծայրայեղ յեղափոխական ժողովրդապետութիւն ունենալ... Այս երևոյթը ոչ թէ դրական մի յատկանիշ է մեր երկրի համար, այլ մի վերին աստիճանի բացասական և ֆաւստկար մի ընդունակութիւն, որ տուեց իր դառն արդիւնքները:

Երբոր մի ամբողջ կուսակցութեան, մի ամբողջ դասակարգի ղեկավարը յանկարծ իջնում է իր զաղափարական բարձունքից և դառնում հայրենիքի դաւաճան, երբ յեղափոխականը դառնում է օսկու սարուկ, բիւրոկրատը՝ ընկերվարական, զարադաշտը՝ իշխանաւոր, աւազակն՝ երկրի տէրն ու անօրէն, վաճառական երկրին ու հայրենիքին, նրան հազիւ թէ փրկութիւն լինի:

Ռուսաստանի արդի կեանքը այնքան յարափոփոխ, այնքան խառնափնթոր է, մարդկանց զաղափարներն ու մտայնութիւնը այն աստիճան յեղափոխ, քառակարգեցու հոգեբանութիւնն այնքան խղճալի, զինուորի, ղեկավարի ու ղեկավարողի հասկացողութիւնը այլասերուած, ժողովրդի հայրենասիրութեան զգացումը այնքան խարխլած է, որ չկայ մի ամբողջ ոյժ, մի ուժեղ յինարան, որ կարողանա յինուիլ նրան և ազատել երկիրը:

Այդ բոլորից յետոյ որքան զարմանալի և ծիծաղելի է նաև կառավարութեան յայտարարութիւնը այն մասին թէ գերմանացիները պիտեն մեր շարժումների և կեանքի մասին: Միթէ այդ յիշողութիւնը նոր միայն յայտնի եղաւ, միթէ անցեալի ու ներկայի սարսափելի փորձերը զաւ չեղան, ապացոյցներ չը կային և հիմա միայն մեծասաներորդ ժամին կազմուեց այն համոզումը թէ թշնամին ծանօթ է մեր երկրի ներքին կեանքին...

Թշնամին ոչ միայն ծանօթ է մեր ներքին կեանքին, այլ, թող ներուի մեզ ասել, ղեկավարում է մեր երկիրը, նա էր որ ծրագրեց յուլիսեան սարսափելի խռովութիւնները, նա էր որ պատրաստեց հակայեղափոխականութեան հրդեհը, ապա ուրեմն նա է ղեկավարում մեր երկրի այն գործերը, որոնք մեր հայրենիքի կործանման են նպատակ:

Երկրի ամեն կողմ, ամեն մէկ անկիւն թշնամու գործակալներ են վխտում: Նրանք ամեն գոյնի, ձևի, դասակարգի և աստիճանի են և խորութիւն չեն դնում ամեն տեսակ միջոցի մէջ:

Կառավարութիւնը փոխանակ միամիտ և ուշացած յայտարարութիւններ անելու այդ մասին, փոխանակ ամենափոքրիկ երեխային անգամ յայտնի այդ իրողութիւնը ստուգելու և հազորդելու, պէտք է կտրուկ և վճռական միջոցների ձեռնարկէ թշնամու լրտեսական անյաղթելի ոյժին դէմ:

Կառավարութեան մահացու հարուածը պէտք է ծառանայ

ԹԻՖԼԻՍԻ ԲԱՂԱԲԱՅԻՆ ԸՆՏՐՈՒԹԻՒՆՆԵՐԸ

Ռուսական մեծ յեղափոխութիւնից յետոյ Թիֆլիսի մէջ քաղաքային ընտրութիւնների օրը՝ յուլիս 30-ը մի բացառիկ օր է, որտեղ քաղաքի ազգաբնակչութիւնը հանդէս է գալու իր շահերի բովանդակ գիտակցութեամբ։ Այս անգամուայ դուժման նման չի լինելու յեղափոխութիւնից առաջ եղած դուժմաներին, որոնք ժողովրդի միայն մի խաւի արտայայտութիւնն էին հանդիսանում, այլ լինելու է Թիֆլիսի ամբողջ բնակչութեան արտայայտութիւնը՝ առանց ազգի, սեռի, ցեղի, կրթութեան և կարողութեան խտրութեան։ Եւ քանի որ այդ այդպէս է, ապա պարզ է, որ ընտրութեան օրը և ոչ մի մարդ բարոյական իրաւունք չունի չը գնալու իր ընտրական թաղամասը, այն մարդը, որ իր մասին չի մտածում, արժանի է չէ, որ ուրիշները մտածեն նրա մասին։ Ժողովուրդը իր կողմից պահանջ է դնելու, որ ամենից առաջ, այս դուժման լինելու է յեղափոխական իր ամբողջ բնութեով և կրքով է ժողովրդի լի ու լի վստահութիւնը։ Այնուհետև առաջարկելիք իրաւասունները պաշտպանելու են աշխատաւոր մասսայի շահերը։ այդ հողի վրայ շնորհ, շնորհ աշխատանք կայ կատարելու։ Իսկ այդ այդպէս կը լինի այն ժամանակ, երբ իրաւասունները ամբողջովին կը նուիրուեն քաղաքի բարեկեցութեան և իրենց ուսերի վրայ կը կրեն Թիֆլիսի աշխատաւոր գասակարգի բոլոր հոգսերը։ Բանուորների անմիջապէս վիճակը, բնակարանային տագնապը, մթերքների սովը և մատակարարման կամայականութիւնները, դպրոցական ազգայնացման հարցը, ֆինանսական անկանոնութիւնները, առողջապահական դրութիւնը, ահաւասիկ հրատապ և մագնիսացած հարցեր, որոնց անմիջապէս պատասխան պիտի տայ դուժման և անմիջապէս գործի անցնի։ Այս, բոլորը պարզօրէն և որոշակի մատնանշուած է դաշնակցութեան պլատֆորմի մէջ, որն արդէն լոյս է տեսել մի քանի պարբերականներում։ Մեր իրականութեան մէջ միակ ուժեղ և յարգաւոր կուսակցութիւնը, որ ի նկատի ունի հայ ժողովրդի աշխատաւոր մասսայի շահերը, և այդ ուղղութեամբ տանում է իր աշխատանքները, դաշնակցութիւնն է, որ հանդէս է եկել ձեռնարկով։ Կասկած չի կարող լինել, որ Թիֆլիսի հայ աշխատաւորները, դաշնակցական անհատները և համակրողները, իրենց ձայնը կը տան այդ ցուցակին, որովհետև կերակայ թէ որքան կարող, ուժեղ և կազմակերպուած, յարգուած է այդ կուսակցութիւնը։

Քաղաքացիներ, յուլիսի 30-ը ձերն է, պաշտպանեցէ՛ք ձեր շահերը։

Գիտակ

ԳՐԱԿԱՆ ԵԿՆԵՐԿՆԵՐ*)

III

Ուրեմն մահմեդականների հին, շատ հին, կրօնի սկզբնաւորութեան օրերին կազմուած ու կազմակերպուած օրէնքների ժողովածուն կոչուած էր շարիաթ և այդ շարիաթովն է, որ նրանք ղեկավարուած են իրենց կենցաղի մէջ դարերից ի վեր։ Այդ հենարանն օրէնքներն են, որ դժուար են մեր գրացի մահմեդական ցեղերի ուղին, ներշնչուած են այս ու այն վարմունքը, թելադրուած են նրանց նիստն ու կացը, սովորութիւնները և, որը ցաւային է, արձանացնում են միևնոյն կէտի վրայ և արհամարհանք ներշնչում դէպի ամեն քաղաքակրթութիւն, դէպի ամեն կուլտուրական քայլ։

*) Տես «Համալուրդ» № 27.

«Ըստ էութեան՝ շարիաթը ոչ այլ ինչ է եթէ ոչ՝ Մահմեդի ժամանակուայ Հիջազի արաբների բարքերի և սովորութիւնների ժողովածուն»—այդպէս է ասում յօդուածի հեղինակ Շախթաւիսկին։ Եւ դրա հիման վրայ էլ պիտի ասել ուրեմն, որ շարիաթը, այն օրէնքները, որոնցմով այժմ այնքան համառօտն ղեկավարուած են մահմեդական ցեղերը մեր միջավայրում—համապատասխան են հին, մինչև—Մահմեդական հեթանոս արաբների ընկերական և իրաւական բարքերին ու սովորութիւններին։ Ղուրանի սահմանած օրէնքներն ու կարգերը, յիշուած, արաբների մէջ գոյութիւն ունեցող սովորութիւնների և բարքերի կանոնադրութիւնն էր միայն («кодификация существующих у них нравовъ и обычаевъ». ժող. եր. 108)։

Եւ որովհետև նոյն Ղուրանի մէջ բացատրուած ու սահմանուած են նաև մահմեդական կրօնի հիմունքները և յաւիտենական բարոյական օրէնքները և որովհետև ամբողջ Ղուրանի մէջ ոչ մի տեղ չի ասուած թէ կրօնական այդ հիմունքները անփոփոխ պիտի մնան, իսկ բարքերի և սովորութիւնների օրէնքները կարող են ըստ հարկի ենթարկուել փոփոխութեան—ապա ուրեմն, մահմեդական աստուածաբանների բացատրութեանը համեմատ—Ղուրանի ոչ մի տողը և ոչ մի օրէնքը չի կարող ենթարկուել փոփոխութեան։

Իւրաքանչիւր մահմեդականի համար, հետեապէս հաւատքի էական մասերից մէկն է կազմում թէ «Մահմեդի շարիաթը պիտի զործադրութեան մէջ մնայ մինչև վերջին գատաստանը»։ Մահմեդի Ղուրանը ամբողջովին անփոփոխելի լինելով՝ պիտի մնայ անփոփոխ նաև նրա որ և պատուէրը, որքան որ լինէր այն հազարամեայ հնութեան արտայայտիչ, որքան և լինէր հին, թափառական—անապատային, նոյնիսկ հեթանոս ցեղերի՝ սովորութիւնների և բարքերի արդիւնք։

Իւրաքանչիւր մահմեդականի համար նուիրական է և տաւաքի կերպով պարտաւորիլ՝ շարիաթի մէջ մի օրէնքը։

Բայց ինչպէս արդար զայրոյթով բացականչում է Մահմեդ Շախթաւիսկին—եստիպել 300 միլիոն մահմեդականներին երկրագնդի ամեն ծայրերում ցրուած և զանազան ազգութիւնների պատկանող, յաճախ իրարից սաստիկ տարբերուող բնաւորութեամբ ու կենցաղով—հարկադրել նրանց, որ ապրեն այնպիսի օրէնքներով, որոնք 14 դար սրանից առաջ եղած փոքրիկ ու անկուլտուրական Հիջազի ցեղերի բարքերի արտայայտութիւններն են միայն—դա այնպիսի անբնական օրէնք է, ինչպէս օրինակ, ստիպել որ մի հիւանդի համար գրուած ղեղատոմսով՝ բժշկուեն երկրագնդիս բոլոր հիւանդները յաւիտենական կեանքով։

«Շարիաթը—շարունակում է յօդուածագիրը—բռնակաւորէն խլում է մահմեդականից նրա բնական իրաւունքը՝ կանոնաւորելու և կարգի դնելու իր կեանքը, գրելու իր համար պէտք եղած կանոնները։ Շարիաթը ոչնչացնում է այդպիսով մահմեդականների մէջ՝ հաւաքական կամքը, ազգային գիտակցութիւնը, հասարակական կարծիքը, ընդհ. բարօրութեան զգացմունքը, քաղաքացու և մարդկային պարտականութեան հասկացողութիւնը։ Շարիաթը ոչնչացնում է մտածող մարդուն և մարդու մէջ իր սեփական լեզուն։

«Հազար անգամ պակաս՝ կործանարար է քաղաքական բռնակաւորութիւնը։ Մարդս, այդպիսի բռնակաւորութեան ենթարկուած լինելով՝ զոնէ ներքնապէս մնում է ազատ, զոնէ երբ հանգամանքները նպաստեն, կարող է բռնութեան լուծը թօթափել իր վրայից։ Իսկ շարիաթի բռնակաւորութիւնն նրանով է աւելի կործանարար, որ մահմեդականը համարում է նրան ոչ միայն օրինաւոր երևոյթ, այլ մինչև իսկ նուիրական. և դրա համար սկի

չի էլ ձգտում նրա կապերիցը ազատուել, մասնութիւնովն անգամ չի ձգտում: Շարիաթը իրական ազատութեան հետ մահմեդական մէջ ոչնչացնում է նաեւ միտքը, ազատութեան մասին ունեցած հասկացողութիւնը... (եր. 109)

Այնուհետեւ յօդուածագիրը կանգ է առնում, իբր օրինակ, շարիաթի թելադրանքներէ երկու հնամենայ և կործանարար օրէնքներէ վրայ՝ մահմեդականութեան համար—բազմակնութեան և հարեմական փակ կեանքի:

Բազմակնութիւնը վիրաւորում է կանանց մէջ մարդկային արժանապատուութիւնը: Բազմակնութեան մէջ է մահմեդականը վարժուած բոնակալութեանը, սարկամութեան: Նոր սերունդը մանկութիւնից սովորում է, իր մայրերի նման, սարկական վերաբերմունքի դէպի հայրը, և հայրերի նման, արհամարհական մշտածողութեան՝ դէպի կանայք: Միևնոյն հօր և զանազան մայրերի որդիների մէջ ժիշտ կայ անհաշտ ատելութիւն, որ փոխանցում է յետագայ սերունդին: Բազմակն մարդիկ արտադրում են թոյլ, վտիտ և պակասաւոր զաւակներ ու այդպիսով վատասերում ազգը: Բազմակնութիւնը ուժեղացէս նուազեցնում է ազգաբնակչութեան աճեցումը և այլն և այլն:

Այդ ամենը արդէն այնքան կրկնուած և ապրրական էլ մարտութիւններ են, որ միմիայն ամենակարող և նուիրակ շարիաթի ազդեցութեան շնորհիւ է, որ զեռ ապրում է մահմեդականութեան մէջ և շարունակում է դարերից ի վեր:

Նոյնը և հարեմական մեղկ կեանքի մասին, ուր մահմեդականը դառնում է ողորմելի և վախկոտ:

Ամենքին յայտնի է—ասում է այդ մասին յօդուածագիրը—որ թիրք զինուորը օժգուած է ռազմական շատ ընտիր յատկութիւններով: Սակայն, բոլոր հեղինակաւոր անձերի զննումով թիրք սպան էնեղգիայից զուրկ է, դիմացկուն չէ և ոչ էլ վճռական ու համարձակ: Դրա պատճառը պարզ է.—զգիւնուորները ժողովրդի և թափառական այն առողջ կանանց զաւակներն են, որոնք եւրոպական կանանց պէս ապրում են ազատութեան մէջ: Իսկ սպաները՝ հարեմի մէջ մեղկութեան ծոցում թուլացող կանանց զաւակներն են, քաղաքացիներ: (եր. 112):

Բայց կայ արդեօք միջոց՝ կոռելու այդ կործանարար և հնամենայ օրէնքի դէմ, որ ոչնչացնում է մահմեդական ցեղերի կամքը, սյժը և հոգին: Կարելի է արդեօք ազատել մահմեդականներին շարիաթի շղթաներից և դնել նրանց քաղաքակրթութեան այն ուղիի վրայ, որ յառաջագիմական քայլերով և կուլտուրայի տուած բարիքների շնորհիւ կարող է ամենից հաւասարելու եւրոպական ազգերին, որ կարող է վերջապէս ազատել նրանց մարդկութեան համար իսկ այլևս անհանդուրժելի դարձող շատ պակասութիւններին:

Անշուշտ կայ միջոց, ասում է Շախթախթինսկին: Էդէտը է միայն, որ մահմեդական ինտելիգենցիան ինքզինքը ամբողջովին նուիրի՝ մոսլուսմանական միտքը Ղուրանի ճշգրտանից ազատելու գործին: Եւ այդ դժուար չէ... Երբ միայն անշուշտ կարելի լինի տապալել ընդհանրական և կամ թուլացնել մահմեդական այն զօրեղ և ազդեցիկ կրօնաւորութեան ոյժը, որի ամբողջ յեռարանն ու նեցուկը շարիաթն է միայն: Շարիաթի դէմ կոռելը նշանակում է կոռել մահմեդական կրօնաւորութեան և մանաւանդ... մահմեդական շատ և շատ յետաձայն ու կրօնականօրէն, շարիաթականօրէն գնուած մեծ ամբողջի դէմ:

Շատ լաւատես և յարգելի Շախթախթինսկին: Նրան թըւում է, օրինակ, որ եթէ իրենք—եւրոպական պետութիւնների մէջ գտնուող մահմեդականները—գործի ձեռնարկեն, իրենք, որ ազատ են «մահմեդական կրօնական ցենզուրից և կարող են և

ռանց ֆասուսելու՝ ամեն բանի անունը տալ—իրենք սկսեն պրոպագանդան—ապա ուրեմն կարելի է խարխիլ շարիաթի հիմունքները և վերածնութեան շրջանը գոյացնել մահմեդական ցեղերի համար:

Այնքան համակրելի է այդ ցանկութիւնը, որ անշուշտ քաջակրթութեան պիտի արժանանայ ամենքի կողմից: Մենք, հայերըս մանաւանդ, մեր սրտի խորքերից և ամենայն համակրութեամբ պիտի ողջունենք այդպիսի քայլերը, որովհետեւ մեզ, աւելի քան ուրիշ ազգերին շահաւէտ է, որ մեզ շրջապատող և մեզ հետ ապրող մահմեդականները կուլտուրապէս զարգանան, ազատուին շարիաթի ֆասսաբիւր ճշարանից, մտնեն քաղաքակիրթ ազգերի շարքը և մեր բարի գրացութիւնը այդպիսով ընդմիշտ ապահովեն:

Մահմէդ Շախթախթինսկու յօդուածը ըստ ամենայնի արժանի է մեծ ուշադրութեան, իսկ նրա առաջարկներն ու ցանկութիւնները վերին աստիճանի համակրելի: Ցանկանք, որ շատ և շատ գտնուեն Շախթախթինսկու պէս մտածողներ: մահմեդական աշխարհում:

Վ. ՓԱՓՍՉԵԱՆ

ՏՐԱՊԵՉՈՆԻ ՀԱՅԿ. ԿՈՄ. ՏԵՂԵԿԱԴԻՐԸ

(Հայկ. Կեդր. Կոմիտէին ուղարկուած)

Տրապիզոնի Հայկ. Կոմիտէն իր գոյութիւնը կը պարտի Տրապիզոնը գրաւող գնն. Լիազովի դէպի հայերը ունեցած բարեացակամ վերաբերմունքին: Գիններալը տեսնելով Տրապիզոնի հայերին հասած ահռելի և աննախընթաց աղէտը, հրամայել էր կազմել հայերից մի յատուկ կոմիտէ, որը հանդիսանար հայ փոխընտանականների զանազան կարիքները հոգացող և հայկ. շարժական և անշարժ ստացուածքները կառավարող իշխանութիւնը:

Իսկապէս գրութիւնը ստրասպիլի էր, ամբողջ քաղաքի և շրջանի զիւղերի 18,000 հայ ազգաբնակչութիւնից ողջ մնացել էին սարերը տպաստանած մի քանի տասնեակ հայերը միայն: Բոլոր հայերի տունները, խանութները և պահեստները իրենց մէջ մնացած գոյքերով և ապրանքներով անտէր էին և մատնուած ամենակատաղի թալանի: Ամբողջ երկու օր, մինչև ուսուների մուտքը, քաղաքը մնացել էր յոյների ձեռքում, և հորեմի մեծահաշակ Վելլադայիս այժմեան զաւակները ամենամահաւոր կերպով տիրացել էին հայերի մնացած գոյքերի համարեա մեծ մասին: Յոյների կողողուած այնքան օր ցերեկով էր կատարուել, որ Մետրապօլիտ Իսիսանքը 1916 թուի Զատիկական տօներին ս. հազորդութիւն չէր տուել նրանց, առարկելով թէ նրանք արժանի չեն իրր կողողալիներ: Իսկ ինչ որ զերծ մնաց յոյների թալանից լրացրին ուսական նախկին ռեժիմի ոստիկաններն ու պաշտօնեաները...

Ահա այսպիսի պայմաններում Հայկ. Կոմիտէն կազմակերպուեց և սկսեց գործել 1916 թուի ապրիլի 25-ին: Բնականաբար նրա գործունէութեան առաջին ջանքերը եղաւ նախ հետզհետէ սարից իջնող և գրաւուած վայրերից քաղաք թափուող հայերին անմիջական և անհրաժեշտ օգնութիւն հասցնել, որքերը որոնելու և երկրորդ՝ գէթ մնացած հայապատկան գոյքերը և ապրանքները մի կերպ թալանից ազատել: Այս տեսակէտից Կոմիտէն ամեն ջանք չէ խնայել, իր միջոցներով հոգացել է գաղթականների կարիքները, նաև իր թողուցիկ խուրիերի շնորհիւ հաւաքել է մօտ 250 օրը, որոնց մէկ մասը Գաթուսի և Սուխուսի որբանոցներն են փոխադրուած և մէկ մասն ալ մօտաւոր ազգականներին յանձնուած է:

Կոմիտէն դեռ նոր էր սկսել գործի, և ահա անսպասելի կերպով Ռուսական հին ռեժիմի ներկայացուցիչների կողմից փակուեցաւ և նրա գրասենեակը կնքուեցաւ: Կոմիտէն փակ մընաց երեք և կէս ամիս (1916 թ. 12—դեկ. 1) և ահա դարձեալ այս անտէր ժամանակամիջոցում հայկական պահեստը և խանութները կրկին թալանուեցին, և հայկ. անշարժ կալուածքների պահպանութեան գործը քայքայուեց: Կոմիտէն փակման գործում (կարելի է ասել նոյնիսկ պատճառը) տխրահոյակ դիր կատարեց երգուեալ հաւատարմատար Ալէքսանդր Գալէմբարեանը, որը Պապուից գալով Տրապիզոն մի սուր և զրպարտիչ զանդատ էր տուած Կոմիտէի հասցէին, որի հիման վրայ ժանտարմի պետ Տինկան, որին անտանելի էր հայկ. կոմիտէի գոյութիւնը, անպարեց առանց քննելու խնդիրը փակել Հայկ. Կոմիտէն Գալէմբարեանը վաղուց ծանօթ էր Տինկային, այդ տխուր պատմութիւնը յայտնի է հասարակութեան, որովհետեւ իր ժամանակին հայ թերթերը, «Մշակ» և «Հորիզոն», յօդուածներ նուիրեցին այդ անցքերի մասին:

1916 թ. դեկ. 1-ին վերաքաջուած Կոմիտէն շարունակեց սկսուած գործը: Թէպէտեւ այդ միջոցին կազմակերպուեցին Կ. Հ. Բ. Ընկերութեան և Եղբայրական Օգնութեան Տրապիզոնի մասնաճիւղերը, բայց այս վերջինները միմիայն անուանապէս գոյութիւն ունեցան, որով դարձեալ թէ հայկական ստացուածքները կառավարելու և թէ զաղթականական գործը ամբողջովին գրեթէ Յնացիի դարձեալ կոմիտէի ուսերին: Իրաքանչիւր գաղթական (բացի 20—40 տարեկան աշխատանքի ընդունակ այր մարդոցմէ) Քաղաքների Միութեան Կոմիտէի միջոցաւ ստացաւ ամսական 7 ռ., իսկ Կոմիտէն իր կողմից աւելի կարիքաւորներին վճարեց 8 ռ. ևս, որով այս վերջինները ստացան ամսական 15 ռ., նպաստ. Նաեւ բաժանուեց հազուադէպ և տան անհրաժեշտ կարասիներ:

Կոմիտէն հայկ. պահեստներում և խանութներում մնացած ապրանքները ի մի հաւաքեց, Նաեւ հետապնդեց մասնաւորների և զանազան հաստատութիւնների կողմից վերցուած ապրանքների և կարասիների յետ ստանալու գործը յաջողուեց մի մաս ստանալ և սրանք բոլորը հրապարակային աճուրդով վաճառելով գոյացաւ 94,770 ռ. յետապնդումը կը շարունակուի և յոյս ունենը, որ նոր ապրանքներ ևս ձեռք առնել: Ռէժիմի մօտ գտնուած մեծ քանակութեամբ հայկական ծխախոտների և պանքում պահ դրուած հայկական զրաճեք, արծեթուղթեր, Կոմիտէին յանձնելու համար հարկ եղած զիմուսները կատարուած են:

Ձեռնարկելով անշարժ կալուածների ցուցակագրութեան գտնուեցին միայն քաղաքում 655 հայկ. տներ և խանութներ հետեւելով վիճակի մէջ. 186 տուն և 12 խանութ բոլորովին քանդուած, 36 տուն կիսաքանդ և 321 տուն ու խանութներ կանգուն:

Մօտ 89 տուն և խանութ վարձու տրուած են Կոմիտէի կողմից, իսկ 95 տուն և խանութ վարձու տրուած են տէրերի, փոխանորդների և կամ մօտաւոր ազգականների միջոցով: 137 տուն և խանութ գրաւուած են զինուորական զանազան հաստատութիւնների կողմից: Մասամբ ժամանակի սղութեան և մասամբ էլ որոշ դժուարութիւնների պատճառով Կոմիտէն չկարողացաւ Տրապիզոնի շրջանի գիւղերի հայկ. հողերի մասին կարգադրութիւն անել: Սրանք տէրերի մօտաւոր ազգականների կողմից մշակուեցին կամ վարձու տրուեցին:

Հայկական այլևայլ մակագիններից յարքունիս են գրաւուած 100,000 ռուբլու զանազան ապրանքներ, որոնց ակտերը Կոմիտէի մօտն են:

1916 թուի օգ. 12—դեկ. 1 Կոմիտէի փակ եղած այդ աշան թալանի ժամանակ հայկական ընդհանուր ֆլաւը եղած է 526,500

ա., որի մասին ներկայ յունիս ամսին քաղաքս եկող Կովկասի քամիսար Խարլամովին ներկայացուած խնդրագրին կցուած է վընաաների տնտեսական ցանկը և հատուցումը պահանջուած:

Տրապիզոնի Հայկ. Կոմիտէի նախագահ
Արեակ Առյախեան

ՅՈՅՑԵՐ ԵՐԵՒԱՆԻ ՄԷՋ

Վերջին քանի մը շաբաթէն է վեր երևանի մէջ ապրանքներու և կենսամթերքներու գները օրըստօրէ բարձրացան անհամեմատ կերպով. հոս առևտրականներու դասակարգ մը կայ, որու շահասիրութիւնը ծայրայեղ է դարձեր, որ պատահած մէն մի առիթէն կաշխատի օգտուել և ապրանքներու ու կենսամթերքներու գները առասպելական չափերու հասցնել:

Այդ հանդամանքը առիթ տուաւ յուլիս 5-ի անկարգութիւններուն և խանութներու փակման: Տնտեսական զօրաւոր տաղանաւ մը առաջ եկաւ և քաղաքիս տասնեակ հազարաւոր բնակչութիւնը մատնուեց սովի: Դրութիւնը կը շարունակուի դեռ ևս մինչև օրս և խանութները կը մնան փակ:

Սոյն կացութեան առիթ տուողը եղած է հետեւեալ դէպքը. երբ զինուոր մը կուգէ շուկայէն ձմերուկ գնել, գինը սովորականէն թանկ կըսուի իրեն, զինուորը կը բողբէ, անոր կը միանան կարգ մը ուրիշ զինուորներ և կերթան բողբելու տեղիս Գործ. Կոմիտէին:

Շատ չանցած զինուորներէն մաս մը կը յարձակին մի քանի խանութներու վրայ և կսկսին թալանել. խանութպաններ խանութին փակելով կը փախչին: Քաղաքապալանները ամբողջ ցրուելու համար կը կրակեն, որու ընթացքին կսպանուի մէկը և կը վիրաւորուի ուրիշ մը: Բարեբաղդաբար թալանը շուտ վերջացաւ և խուճապը զաղարեց:

Գործադիր Կոմիտէն զինուորներու գնդերէն մի մի ներկայացուցիչ հրահրեց և վաճառականներու ներկայացուցիչների հետ համախորհուրդ սակագին նշանակեց:

Տեղիս Զինուոր. և Բան. Խորհրդի ներկայացուցիչներու կողմէ միացեալ՝ կոչ մը հրատարակուեցաւ, որով կը յատնուէր թէ այդ ցոյցերը լոկ թանգութեան արդիւնք են, պէտք է հեռու մնալ նման ցոյցերէ: Որոնք կրնան հակայեղափոխութիւն ստեղծել:

Կառավարութեան կողմէ կնքուած են տեղիս վաճառականներու խանութները և յայտարարուած է որ թաքցուցած ապրանքներն հանեն և ծախեն որոշուած սակագնով:

Երկու օր է, որ սկսեց է գործադրուիլ նշանակուած սակագինը և կարգը զգալապէս հաստատուած քաղաքին մէջ:

Թ. Արմինյ

Երևան, յուլիս 12

Գ Ե Ղ Ա Ր Ո Ւ Ե Ս Ս

Ամալ ու լուսին սարն ուսին
Աչք են ածում ամեն կողմ.
Երկինքը՝ չինջ, աստղերն՝ աննինջ,
Չկայ աղմուկ, չկայ հողմ:

Սիրտս խաղաղ, լուսաշաղախ,
Փայլ է սույն աստղի պէս.
Ու սրտիս մէջ յաւէտ անշէջ
Կան երազներ՝ այնքան հեզ.

Ես երկրում չեմ, ես՝ երկնածեմ,
Հողերի մէջ աստղերի.
Կեանքից հեռու յաճող ուրու,
Երկրպագու շողերի...

Էջմիածին

Յ. Պետրոսեան

Տարեգիր Կ. Հ. Բ. Ընկ.

Կ. Հ. Բ. Ը. Խորհուրդը շնորհակալութեամբ տալիս է—Լճ-
գովա կայարանից պ. Կարապետ Մարտիրոսեանից յօգուտ գաղ-
թականների 50 ուրլի, և յօգուտ Հայաստանի վերաշինութեան
50 ուրլի, ընդամենը 100 ուրլի:

—Քեմիր-Քան-Շուրայից—Լիւզմիա Կամարովսկուց յօգուտ
գերիների ազատման 10 ուրլի:

—Սիբիրից Քիֆլիս Ժամանեց հայ գերիների մի խումբ
120 հոգուց բաղկացած, որոնց տեղաւորման և սննդի ծախսերը
հոգաց Կ. Հ. Բ. Ընկերութիւնը:

ՀԱՅԿ. ԿԵՆՏ. ԿՈՄԻՏԷ

Յուլիսի 18-ին կայացաւ Հ. Կ. Կոմիտէի նիստը, նախա-
գահութեամբ պ. Ս. Յարութիւնեանի, ուր նշան գեկոյցներ ու
կայացան հետեւեալ որոշումները.

1) պ. Նախագահը գեկուց Քայիբեանի առաջարկ-գրութիւնը
որով վերջինս դիմելով Կոմիտէի խնդրում է իր հոգատարու-
թեան տակ գտնուող Մեծ-Ղարաքիլիսայի որբանոցից տանկա-
հայ 24 որբերի հոգատարութիւնը վերցնի իւր վրայ, նպաստե-
լով նրանց ընդհանուր նորմայի համաձայն, Առաջարկը ընդու-
նուց, որոշեց առանձին գրութեամբ յայտնել տիկնոջը, որ Կոմի-
տէն ընդունում է առաջարկը, սակայն այն պայմանով, որ այդ
որբանոցը ենթարկուի ընդհանուր հսկողութեան, որբանոցի 24
որբերի անունները անցկացուի ընդհանուր ցուցակի մէջ:

2) Հայկ. Կենտր. Կոմիտէի կից կազմուած երջնկացիների
միութիւնը առանձին գրութեամբ ներկայացրեց ժողովին միու-
թեան պատկերը սկսած 1916 թ. նոյեմբ. 1-ից մինչև 16 յուլիսի
1917 թ. զբաղակալ գործառնութիւնների մի հաշուեկշռով, որից
երկաց որ զանազան աղբիւրներից մուտք է եղել 7475 ա. և
ծախս՝ 5538 ա. 76 կ.:

3) պ. Նախագահը գեկոյց Կոմիտէի Գանձակի լիազօր պ.
Ա. Բորեանցի գրութիւնը, որով յայտնուած է որ վանի Հայոց
Զորի Քերձ գիւղից գաղթած գաղթականութիւնը մօտ 40 աղա-
մարդ ցանկութիւն են յայտնուած վերադառնալ այդ վայրերը երկ-
րագործական աշխատանքների համար, այդ առթիւ խնդրում է
որ եւ կարգադրութիւն:

Որոշուեց հետագորով պահանջել այդ գաղթականութեան ցու-
ցակը, ապա դիմել և ստանալ վագոն որ ճանապարհել նրանց:

4) Զեկուցուեց Տրապիզոնի Հայկ. Կոմիտէի տեղեկագիրը
իւր ամբողջութեամբ, որից երկաց որ Կոմիտէն իւր սկզբնաւո-
րութեան օրից պ. Արշակ Առաքելեանցի Նախագահութեամբ գոր-
ծի իրաւասութեան թեկնածուների ցուցակների ներկայացնելու

ծել է շատ արդիւնաւէտ, ըստ որում որոշուեց շնորհակալութիւն
յայտնել Կոմիտէին:

ՊԱՐԵՆԱՌՄԱՆ ԲԱԺԱՆՄՈՒՆՔ ՊԵՏ. ՄԻՋՈՑՆԵՐՈՎ

Յուլիսի 6—20-ը ալիւր ուղարկուած է Գանձակ 3 վագոն,
Աղստաֆա՝ 6, Աշտարակ 5, Ալեքսանդրապոլ՝ 11, Ղամարու՝ 3,
Վաղարշապատ՝ 4, Իգդիր՝ 5, Ղուրգուզուլի՝ 4, Երևան՝ 5, Ղարս՝
6, Սարիղամիշ՝ 4, Մեծ Ղարաքիլիսա՝ 2 և Ալաշկերտ՝ 1, ընդա-
մենը 59 վագոն:

Յորեն ուղարկուած է Ղարս 2 վ., Երևան՝ 5, Վաղարշա-
պատ՝ 3, Իգդիր՝ 2, Գանձակ՝ 1, Ղամարու՝ 1, Ալեքսանդրապոլ՝
4, Ղարաքիլիսա՝ 2 և Աղստաֆա՝ 1, ընդամենը 21 վագոն:

Շաքար ուղարկուած է Վաղարշապատ և Իգդիր 35-ական
պարկ, Ղարաքիլիսա՝ 75, Գանձակ՝ 40, Երևան՝ 75, Ղարս՝ 35,
Սարիղամիշ՝ 50, ընդամենը 1867 պ. 11 ֆ.:

Սապոն ուղարկուած է Ղարս 70 պ. և Սարիղամիշ՝ 120,
ընդամենը 200 պ.:

Թէյ ուղարկուած է Ղարս 6 պ. և Սարիղամիշ 12 պ. ընդ-
ամենը 21 պ.:

Ժամանակաւոր Կառավարութեան Կովկասեան Առանձին
Կոմիտէի անդամ Պապաջանեանի խնդրանք Ընկերութիւնն Նոր-
Բայազէտում հացի կրիզիսի պատճառով, տուեց Նոր-Բայազէտի
պարենաւորման Կոմիտէին 2 վագոն ալիւր:

Ղարսի և Ալեքսանդրապոլի պահեստների կառավարիչների
տուած տեղեկութեան համաձայն՝ տեղական պարենաւորման կո-
միտէները ապօրինի կերպով զբաւել են գաղթականների համար
ստացուած Ալեքսանդրապոլում 5 վագոն, իսկ Ղարսում 4 վ. ա-
լիւրը, որի մասին դիմում է արուած երկրագործական միութեան
Կովկասի լիազօրին, որպէս զի վերջինս իւր կողմից հարկաւոր
կարգադրութիւն անի պարենաւորման կոմիտէներին՝ չը զբաւել
գաղթականների համար ստացուած ալիւրը:

Քրոնիկոն

Տաճկաստանի զբաւուած վայրերի Գեներալ-Կոմիսարը
աշխի առաջ ունենալով դաշտային աշխատանքների կարե-
ւորութիւնը եւ այն՝ որ Ժամանակաւոր Կառավարութիւնը
յանձնարարել է Գեն.-Կոմիսարին ամեն կերպ աշխատել
ազատելու զանձարանը գաղթականութեան տրուելիք ծախ-
սերից, գտնել է հնարաւոր վերադարձող գաղթականութեան
վերաբնակեցնել Արիւսէ, Էտիւնէ, Ռիզէ, Սիւրմէնէ—Խա-
մուրզեան, Երզրոն, Բայազուրդ, Իդ, Թորթում, Էրզրում,
Աշկալա, Մամախաթուն, Կարա-Քիլիսէ, Դիաղին, Բայա-
զէն, Վան, Ալաշկերտ, Հասան-Կալա եւ Խորասան վայրե-
րում:

—Սահմանադիր Ժողովի ընտրութեան Կովկ. Կենտ. Բիւրօն
որոշել է այս օրերս բանալ ձրի դասընթացներ, ուր պիտի դա-
սախոսուի ընտրական գործի կազմակերպութեան, տեխնիկայի,
ցուցակագրութեան սխառեմի մասին, և պարզաբանուեն բոլոր
հրահանգներն ու միջոցները: Որոշուած է ընտրական կոմիտային
ինստրուկտորներ հրաւիրել 9 հոգի թամական 200 ա. ուճիկով
և 12 ա. 50 կ. օրածախսով՝ ճանապարհորդութեան ընթացքում:
—Քաղաքային ընտրութիւնների համար կուսակցութիւննե-
րի իրաւասութեան թեկնածուների ցուցակների ներկայացնելու

ժամանակը արդեն լրացել է: Մինչև այժմ ներկայացում են այսպէս՝ № 1 Սոցիալ-դեմոկրատների (10 թեկնածու), № 2 Ազգային դեմոկրատներ (40 թեկնածու), № 3 Սոց.-Յեղափ. (100 թեկնածու), № 4 Հայ Յեղ. Դաշնակցութեան (50 թեկնածու), № 5 Վրաց Սոց.-Ճեղք. (30 թեկնածու), № 6 Նաթուրի ազգաբնակչութիւնից, № 7 Միացեալ հայ ժողովրդական և ժողովրդական կուսակցութեան կողմից, № 8 Բուլղերիկների կողմից, № 9 Հնչակեանների կողմից:

— Զինուորական քննիչ յանձնաժողովը միլիցիայի պետին յայտնել է որ այսուհետև փողոցում ձերբակալուած հարբած զինուորականներին պէտք է ուղարկել կամ իրենց զօրամասերը և կամ յանձնել կոմիտեաների հսկողութեան:

— Սուրմալուի շրջանից Քիֆլիս է եկել մի պատգամաւորութիւն, որ խնդրում է Առանձին Անդրկովկ. Կոմիտէից տալ իրենց զինուորական օգնութիւն, որովհետև շրջակայքի բընակիչները թալանում են իրենց անդադար:

— Ժամանակաւոր Կառավարութիւնը առաջարկել է Առանձին Անդրկովկ. Կոմիտէին շտապով ներկայացնել պաշտօնից հեռացուած հին ուսուցիչ ծառայողների ցուցակը:

— Քիֆլիսի Նոր Ակումբը ենթարկուած է վերափոխութեան: Նա անուանուած է Վրաց Ակումբ: Մշակուած է այդ ակումբի համար նոր ծրագիր:

— Քիֆլիսի արամայի գլխաւոր ինժեներ Ա. Կազկերը քաղաքային վարչութեանն է ներկայացրել մի նախագիծ, որով առաջարկուած է արամայի ամբողջ գործը ենթարկել հիմնական վերանորոգութեան: Այդ գործը որ քաղաքին կը նստի 4,310,210 ռ., Ա. Կազկերը գտնում է անյետաձգելի, որովհետև արամայը շուտով կը հասնի իր քայքայման ծայրին:

— Երևանի նահանգական պարենաւորման կոմիտէն Անդրկովկասեան Առանձին Կոմիտէին հաղորդում է, որ միեւրոնակ ցուցակագրումը և գրաւումը Երևանում տեղի չի ունենալ, որովհետև կիսանքն այնտեղ կանոնաւորուել է և վաճառականները իջեցրել են մթերքների գները:

— Յուլիսի 18-ին վրաց կաթողիկոսի տեղապահ Լէոնիդ Եպիսկոպոսի մասնակցութեամբ տեղի ունեցաւ վրաց եկեղեցու աւտոկեֆալիայով գրադարող վարչութեան ժողովը, որը որոշեց Վրաստանի կաթողիկոսի ընտրութիւնը նշանակել օգոստոսի 15-ին, իսկ սպասման ժամանակ 18-ին հրաւիրել եկեղեցականների ժողով: Նոյն օրը, որոշուած է կատարել և ընտրուած կաթողիկոսի օծումը:

— Սահմանադիր ժողովի ընտրութիւնների հարցով զբաղուող նահանգ-կոմիտէին մասնակցելու համար նահանգական գործադիր կոմիտէի կողմից ընտրուել են Գոգով և Շաւոսկի:

— Յուլիսի 17-ի զինուորական շրջագայութեան ժամանակ ձերբակալուած են մօտ 300 մարդ, որոնցից 4-ը քրէական յանցաւորներ են, որոնց նոր ազատուած բանտից, 25 իսկական դասայից զինուորներ, 100-ը կասկածելի վկայականներ են ներկայացրել, իսկ մնացածները չեն կարողացել ներկայացնել ոչ մի վկայական իրենց զօրամասերից:

— Էրզրումի շրջանի կոմիտար է նշանակուել նահանգական պարենաւորման քարտուղար Դյուտովը:

— Քաղաքների Միութեան Քիֆլիսի գլխաւոր կոմիտէն Մոսկուայից տեղեկութիւն է ստացել, որ Միութեան Կովկասի բաժանմունքի նախահաշիւը կը քննուի մօտ օրերու: Անցեալ տարուայ նախահաշիւը հասնում էր 23 միլ. ռուբլու, այս տարի հասնում է 47 միլիոնի:

Համաշխարհային պատերազմը

Ռուսաց արեւմտեան ճակատում սուսների նախնի շարունակում է: Ռիգայից սկսած մինչև Կարպատները գերմանացիք առաջ են ընթանում, աւելի և աւելի թափանցելով սուսական հողը: Յուլիսի 18-ին թշնամին անցաւ Զբրուչ գետը Գուսիացիների հիւսիս և արեւելք մեր դիրքերին, սակայն սուս զօրքի յաջող յարձակումից յետոյ վերադարձուցին վերցուած գիրքերը: Թշնամին փորձում էր անցնել Զբրուչ գետը, բայց չկարողացաւ:

Մեր զօրամասերը թշնամու ճնշման տակ մաքրեցին Զալչիկը: Դնեստրից հարաւ, Զալչիկ-Մոսկատին գծի վրայ թշնամին ուժեղ յարձակումի սկսեց: Իրրերը խլում էին ձեռքից ձեռք, մինչև որ օգնական ոյժեր ստանալով թշնամին նեղեց մեր ոյժերը:

Յուլիսի 19-ին, Բրոդուց հարաւ Զարկովի շրջանում թշնամին թնդանթամարտից յետոյ դրո՛ւ տուեց և իւնց մեր դիրքերը, բայց օգնութեան հասնող մեր զնգերը կարողացան ջարդել թշնամուն և յետ իւնի կորցրած գիրքերը: Գալիցիայում Տրեմբովի ուղղութեամբ մեր զօրամասերը յարձակումով գրաւեցին Դրեմբովի շրջանի գիրքերը, Զբրուչ գետը անցնել փորձող թշնամու բոլոր փորձերը անցան անգում: Յուլիսի 18-ին գերազանց ոյժերով թշնամին ուժեղ դրո՛ւ սկսեց Զբրուչ և Դնեստր գետերի միջև: Սուսները տեղի տուին և քաղաքներ Զբրուչի միւս ափը, ունենալով սպանների մեծ կորուստ: Դնեստրի և Գրուշի միջև յամառ և ուժեղ կռիւներից յետոյ թշնամին նեղեց մեր զօրքերին: Կարպատներում, Սինիուլի շրջանում թշնամին յարձակումներ է սկսել:

Ստացուած վերջին տեղեկութիւնների համաձայն՝ գններալ Կորնիլովը, որ Գերմանիայից գերութիւնից փախել էր և ապա Գետրոգրադի զինուորական շրջանի 11-րդ բանակի հրամանատարն էր, նշանակուած է գերագոյն հրամանատար:

Կերենսկին Բրուսիլովի և Կորնիլովի հետ աշխատում են բանակի կազմաւորուած գրութիւնը վերանորոգել: Արդէն ընդունուած է մահուան պատիժ կռուից փախչողների համար: Եթէ երբէք ուժեղ դիպիլիւնա պահպանուի նախնի ժողովրդի համակում, յայտ կայ որ թշնամու յարձակումն պիտի զսպուի:

Անգլիական ճակատում բրիտանացիք ֆրանսեացիների հետ միասին յուլիսի 18-ին ընդհանուր յարձակում են սկսել Լիսի հիւսիս ընդարձակ հակառի վրայ: Եարձակումը ծաւալուած է ամբողջ ազգամեակառի վրայ: Դաշնակիցները յաջողութեամբ առաջ են ընթանում:

Եմբադիր՝ ՍԱՄՍՈՆ ՅԱՐՈՒԹԻՒՆԵԱՆ

Հրաւ. Կ. Ա. Բ. ԸՆԿԵՐՈՒԹԻՒՆ

Յայտարարութիւններ

Հայկ. Կենտ. Կոմիտէի հովանաւորութեան տակ գտնուող որբանոցների համար հարկաւոր են միջնակարգ կրթութեամբ հմուտ փորձառու կառավարչուհիներ և կառավարիչներ: Ծանկացողները թող դիմեն Կոմիտէի գրասենեակը, Абадская, 7.